

報日環循

光緒拾年歲次甲申閏五月廿二日 禮拜壹 第四千八百八十二號

贈送瘋癲解毒丸
 茲本藥房宋光臣先生所製
 瘋癲解毒丸經愈數人因將
 其丸贈送少盡濟世之心如
 有初患此症者請到面說病
 由見症送丸分文不受每逢
 初二十六開贈自九月刊告
 白之後有多人到取亦皆奏
 效特此佈聞
 癸亥 十月 香港中
 環杏榮春中外藥房啟

選錄京報

戶科掌印給事中臣鄧承修跪奏爲粵省吏治積弊敬陳管見事特旨施行以蘇民困事竊臣前以粵省諸務廢弛官吏素無恩威臨事不足以資鎮壓請飭認真整頓冀蒙 采擇現值邊防吃緊聞該省團防保甲已次第舉行臣謂此不過詰奸禁暴之一端非致治之本原也昔曹劌論戰以察獄爲忠可以一戰可知通下情以求民瘼清吏治以固邊防實爲今日第一要務臣不避煩瀆謹就見聞所及敬爲我 皇太后 皇上陳之一查事不實委員受賄也自冗員充路州縣能自愛者幾何迫而上控大吏屬之道府委之佐貳僚友相賀動謂優於例差其事可知卽至酷吏枉法劣員諱盜事卽上聞名派道府查辦而上官或有親故巧臣意在權厚又必視賄賂之豐絀以定是非其委勘得實者百無一二遂致酷吏愈張民怨益積吏治何從整飭乎應請 飭下該省督撫此後如有應查事件當遴簡賢員途中厚給資糧不得更受絲毫規費有濫受者卽以贓計立予參處庶下情得以上達而百姓有更生之慶矣 一流寓土著宜禁服官也粵省流寓之人或官或幕或商或役長子孫置田廬聯婚媾預科舉仍官粵省甚至父子異籍兄弟同官平時狎處閹闈聚賭吸烟散布衙署指事招搖一遇差委與官幕吏胥紳董相糾結開花唆訟無所不至故粵省仕途冗雜不可爬梳較他省尤甚應請 飭下該省督撫實力清查其服官人員如有買置房產父子兄弟異籍同官許其自首其素無劣跡者准其咨改別省試用其有意隱匿不卽自首者概於本屆計典悉行汰除亦澄清仕路之一端也 一劣幕盤踞宜嚴稽核也粵幕半多土著亦猶服官之久隸粵中仍稱外籍盤踞把持如臣所參之撫幕沈彬者官場收受節壽勳關廨禁粵幕修脯豐於天下而節壽更倍之猶且州縣缺稍優者必勒薦數人坐分薪俸公事上行者必訂明包辦始免指駁廉懦受其把持貪劣則爲諸價蠹政害民莫此爲甚國家掄才自官吏侍從以至土人無不考文觀行幕分不如官而權幾等官顧漫無考核可乎應請 飭下該省督撫於奉 旨後將通省幕友甄別一次土著概令迴避其贓污把持勒詐門徒子弟者懲辦數人並通飭各縣幕友俱令註明舉主報冊存案以憑考察其督撫刑錢亦不可漫無稽核應請欽遵 世宗憲皇帝特頒上諭嗣後督撫所延幕客須擇歷練老成深信不疑之人將姓名具題如効力有年果稱厥職行文咨部議叙授之職位以示砥礪庶佐治得人不至以濫竽敗事 一貪吏苛罰宜嚴開脫也納贖本罪之至微而罰則由百而千而萬不問是非不分曲直謂充善舉名甚美而害最烈所罰非命案株連之平民卽盜賊遠颺之房戶一經波累蕩產傾家盡役分肥劣紳染指

聞新 城羊

閏五月十七日 督撫憲轅報 新選新興縣丁凌亭到京來稟假候補鹽知事龔純稟銜例頭洲洋藥稅廠差餉陽江縣承薛稟到由香港公幹回稟見轅文巡捕方模哲干慶翻俱稟知接頭二批回保甲局委員等稟知拿獲拐婦俞潘氏一口解交番禺縣審辦○失婦尋回 婚姻論財夷虜之道然俗情可鄙動輒相爭常有因此始合終離成仇成怨難以勝數矣至若于歸既賦偕老宜夙乃以夫貌不揚嫌孟陽之再世因而處室不樂效卓氏之私奔女之耽兮亦可醜也城西某甲住于將軍里生有膂力長而眉與面目黧黑又多麻子人皆以痘皮二稱之少而失怙其母販賣玉器積有微貲娶西村一女爲媳詎此女性愛風流不安本分入門後見其夫體貌醜陋操業卑微心甚不悅時多怨懟常有去此適彼之思忽於前月中浣星夜逃去四處找尋杳無踪跡曾經出有賞帖而狡狐兔窟匿閉深藏仍無着落迨至是月初間其姑因賣玉器經過一媒家之門瞥見其媳艷妝美服倚門笑盼急而走避後其姑歸查悉其媳椿萱早棄惟嫂是依是晚私逃而後與嫂同謀欲圖再醮遂在媒家以奇貨居焉翌日其姑驚動街隣糾集多人昂然入室媳見姑面知事敗露飾稱探親以求塞責姑亦不與理論立將輾昇回未悉將來否能安其室也○隨員粹斃 聞有潘提督者即新任粵西中丞之從昆弟也與張香帥爲莫逆交曾經辦理軍務迭有勳勞而且年富力強賢明幹練張香帥深器之帶同來粵幫辦機宜前數日張香帥赴彭欽憲筵宴而潘提督亦同日起督撫憲筵宴酒量豪雄性嗜糴糧美釀不覺大醉回寓後酒氣薰蒸炎熱殆甚即着人買西瓜剖而食之寒熱凝滯頓覺沉痾遽爾病亡香帥深爲悼惜或謂其因暑氣所感未悉是否

聞新外中

茲又有友人郵寄來三月初一日王方伯上左侯相書一函用卽刊錄於報以供衆覽 敬稟者竊本司途次連接徐撫憲羽檄北寧于二月十五日失守諒江朗山狼甲等軍次第失陷諒山教民亦欲蠢動本司卽派四營進紮諒山親率四營暫紮鎮南關以固廣西邊界而防各軍潰勇退入內地滋事各情形曾經稟報 憲台查考在案本司于二十一日到防鎮南關比卽部署一切又于二十三日單騎馳諒山稟請徐撫憲方畧並察看地方

燒不能捕盜而責民懸賞民羅於賊復掘於官使富者益貧貧者益瘠不盡驅之爲盜不止豈朝廷設兵衛民之意乎應請 飭下該省督撫嚴飭此後營員辦匪止許捕拿眞身不得以焚屋了事不得恫喝陽族借焚屋以詐贓更不得以賊已遠颺勒令族人懸賞波及無辜違者嚴參此亦止盜之一助也 一官員庇賭宜申明禁令也 粵省盜風甲於他省賭風亦熾於他省因賭而貧因貧而盜飢寒則迫爲寇賊其勢然也故賭一日不禁則盜賊日滋奸邪弗止小則沿途截劫大則聚眾抗拒農工商買懦懦焉不得一夕安寢所謂團防保甲亦只屬具文耳故爲粵省吏治計惟有先嚴賭博之禁以清盜源或謂文衙收規武弁包庇已成積習豈能驟革臣愚以爲在地方之人否耳即如近事徵之前惠州守李用清銳意禁賭匪徒斂迹地方晏然及其去也而賭復熾此則行法在人之明驗也應請 飭下該省督撫申明禁令嚴飭各局員弁互相稽查不得稍有瞻顧違者一併嚴參年終考核即以所屬地方有無賭博以定優劣其土豪惡紳有敢阻撓包庇不遵約束者立即查拿懲辦百姓雖愚彼見官不徇情役不收費又安肯以身試法立陷刑獄以上八條皆臣在籍時所目擊爲粵省數十年來之積禍倘蒙 俯如所請 飭令逐件清查禁革大吏一分振作卽小民多一分受賜其他如命案之株連厘卡之需索關稅之留難荼毒非空言所能塞責者臣當隨時指參以爲粵民請命是否有當伏乞 皇太后 皇上聖鑒施行謹 奏

給事中鄧承修片一再臣聞廣東海豐縣匪首余紀欣等劫殺生員余一枝一家六命一案其始由該縣知縣蔡逢恩札令余一枝交出該族會匪余世忠等詎該縣受賄縱釋該匪遂糾黨百餘人執持槍械劫殺貢生余煥文生員余一枝等一家六命搶奪一空經屍親余昭文控驗在案嗣因委員迫勒改供案久不決經御史奏奉旨着劉坤一張兆棟查明據實奏參該督撫始終並未親提全憑委員饒世貞一面之詞含混率覆迄今又隔七年仍未奏結並聞饒世貞與該縣誼屬姻親同鄉素好承審此案堂訊屍親余昭文等三十餘日押禁赫勒改作挾嫌圖殺供詞詳院爲該縣規避處分地步以致案懸十一載不戮一人臣查此案該縣蔡逢恩果有諭令余一枝勒交族匪余世忠之札旋復釋放無論有無受賄詳是否關殺劫殺而庇惡縱兇致釀一家六命巨案百喙難辭乃該督撫不惟不將該縣撤參又派署博羅縣優缺饒世貞與蔡逢恩同鄉姻婭於奉旨飭查重案自應呈請迴避乃僅懲該犯供詞始終迫勒具結其意存袒庇可知似此徇私藐法縱戰殃民任意拖延毫無顧忌宜粵省之盜匪日滋吏治無從整飭也應請旨飭下該省督撫臣將縱兇致斃多命之前任海豐縣蔡逢恩先行參

情形及布置先發四營駐紮處所本司連日周歷諒山附近三、里內外之地理形勢查得諒省西北靠小河東南靠大山城之東南即通朝陽山半隴山往長慶北嶺必由該兩山經過城之西北過小河即是丘壘崎嶇法人佔踞東南山銜俯瞰城中不能立足若以一股渡河擾劫丘壘則城中糧與援兵均絕真有坐而待斃夫守諒山必先守要隘若要隘不守爲敵人所居而城終必有失矣本司比將此情稟商徐撫憲幸蒙允可本司即派張提督春發率正前營分兩壘紮朝陽山半隴山之左右安設地雷派何提督秀清率正左營吳副將魁麟率正右營吳副將鎮林三之正後營分紮丘壘山以通糧道徐撫憲調來防守諒山粵勇計有五營彼亦派兩營出紮城之東南山領以三營守城彼此救援不靈本司即派隊搭造河橋以利師行而便往來查越南體制各省始准建城各府州縣亦有城亦有無城者城中不准民居亦准兵駐其總督巡撫衙署可用瓦屋其餘領兵將弁兵丁均係茅草房屋其諒山省在萬山之中內無倉庫亦無隔宿糧即粵西各軍防守多年均係兵勇日買日食並無造倉積糧以備不虞查諒山非產糧之區向來靠北寧接濟今北寧失守諒山糧源已絕我軍將來進兵必由內地南寧一帶採糧運濟現本司派分各營暫飭勇兵在丘驢建堅堡起造糧倉軍裝房以便存儲軍火糧食並于鎮南關海村等處搭造轉運房屋以便棲止大約出月初當可告竣以目下諒山情形而論經本司勉竭綿力悉心籌畫縱使強敵來犯尚可支持惟所慮者粵西五十餘營敗後有婦女者四處逃散全不歸伍掠取民食情形如此難免不因糧乏潰趙道一軍不知散于何處劉永福一軍聞來援北寧見粵西各軍不自退亦收隊同興化矣今粵西諸軍敗潰之後徐撫憲過於仁慈並不嚴懲一二殊切杞憂查黃趙二統領平日漫無紀律此次法人進攻北寧遙遙相擊并未逼近城池該勇丁等經已先携婦女逃去黃趙二統領未能禁止只得一同逃走致使軍火鎗炮以及餉銀二十餘萬概資于敵事前全無布置貽誤大局有損國威事後不知愧奮設法歸併以圖再舉而收桑隅之效徐撫憲新任封疆未及兩月明知黃趙二統領全不可恃意欲更換又恐大敵在前揆之過急別生事端而黃趙二統領往往任性不聽徐撫憲所商蓋有所恃而不恐耳本司初見徐撫憲時曾蒙情致殷殷欲舉本司總理戎機諸軍統歸調遣等語業經面爲力辭不意回龍州後月之二十日接奉行知奏稿舉本司幫辦軍務本司愚昧之見倘蒙俞允亦當稟請收回成命本司雖不願居其任然可見徐撫憲待士之心誠實無僞真令人感佩無已現因黃趙二統領玩視軍務全師潰敗寢不安枕食不甘味一時焦急之形不堪目睹本司勸慰再三並云維今之計尤宜保固

理營衛衝和以致天
專治婦人
或少而不
經胸腹作
不特調經
日宜服三

酒風脚丸 此丸專治酒風脚
痛能理肝腎風痰濕氣沁人經
絡腰腿下部麻木軟酸痛腫一
切等症兼治風痰鶴漆無不奏
效患此者每日宜服三次每次
以服兩丸爲度宜卽在飯後服
之最驗倘年久症深晚間再加